

散曲叢刊
第十種

海浮山堂詞稿

冊二

海浮山堂詞稿卷二 歸田小令

明臨朐馮惟敏海浮撰 江都任訥中敏校訂

胡十八

辛未量移東歸

四首

每日價說歸田。誰只待苦留戀。急回頭恰過年。有花有酒是神仙。弟兄每比肩。兒女在眼前。喜歡的無是處。一日醉兩三遍。

每日價說歸家。到如今省牽掛。息奔馳免波查。東隣西舍慰安咱。打一箇耳擦。使一箇手法。行的去轉的來。拿的起放的下。

每日價說歸休。這其間剛罷手。已往事盡都勾。十年世路夢中遊。到深山裏頭。有薄田幾丘。儘自在儘安然。惜性命延吾壽。

每日價說歸湖。忘不了訪仙路。烟月艇水雲居。悠悠蕩蕩。小蓬壺。載的來。豔姝。釣的來。好魚。也會喫。也會頑。人道俺儘豪富。

滿庭芳

四首

天官賜福。地靈有待。人事相扶。循良已上功勞簿。名滿皇都。望吾鄉。官遷東魯。尋勝境。舟泛南湖。清閑趣。從前受苦。今日且歡娛。

急流退勇。兩畿奉職。三仕成功。白雲一片相隨送。對面東風。這便是。前呵後擁。緊跟着。去迹來蹤。清閑夢。從前俗冗。今日得從容。

中年知止。一官如寄。兩鬢成絲。當年無復飛揚志。老更何之。分明是。山人樣子。怎會做。仕路腔兒。清閑事。從前故紙。再不費神思。

陞官道好。酒雖有味。不飲爲高。從今不走長安道。也免塵勞。名利途何時是了。是非場其實難逃。清閑樂。從前懊惱。今日且逍遙。

朝天子

將歸得舍弟書

二首

去春啊你回。今春啊俺歸。正與春風會。青山綠水有光輝。喜的幽人至。賢主佳賓。吾兄我弟。笑談多情意。笑你回也不遲。我歸也不疾。遲和早都得計。

你去年入山。俺今年棄官。同氣長爲伴。浮名不到水雲間。從此無羈絆。日日相過。時時廝見。省傳書千里。遠看時文幾篇。和新詩幾聯。課子姪親筆硯。

清江引

八不用

八首

烏紗帽滿京城日日搶。全不在賢愚上。新人換舊人。
後浪催前浪。誰是誰非不用講。

紫羅襪披的破盧蘇。也非是值錢物。縫聯無掛搭。拆
洗難重做。送與他故衣行不上數。

拖天帶繫的沒顛倒。總是虛圈套。一條死牛皮。幾塊
生牛角。拖拉的有上梢無下梢。

皂朝靴磨擦了半截底。也有箇登開日。驢前馬後行。
簷下階旁立。近新來丟剝了如敝屣。

擺頭搭一雙雙開路神。引入迷魂陣。翻回安樂窩。遠
離京畿郡。俺如今是山中自在人。

三簷傘兒不用遮。仰看天心月。雪中戴斗蓬。雨裏擎
荷葉。好向王維畫兒上寫。

花藤轎兒行的緊。遠路多勞頓。顛的心緒慌。搖的頭

皮暈總不如瘦驢兒騎的穩。

汪本末作騎上穩

黃堂上自來公座高。無福誰能到。夜闌人未歸。早起寒猶峭。總不如熱炕頭還是好。

東村作

首二十

懶慢無堪病也宜。鎮日常貪睡。黑甜一覺中。萬事無榮繫。醒來時便有些閑是非。

一折一磨病也該。清福無邊界。不欠酒家錢。不少詩家債。受用的癢兒無處搥。

一片白雲常在山。忽被風吹散。風來雲不知。雲去山無伴。爲甚的從前出岫懶。

絮絮叨叨何處聲。攪亂幽人興。鶯兒嘴又尖。燕子舌偏佞。搬弄的好年華不暫停。

庭下雙槐枝葉齊。生長在清幽地。玄冬蔽冷風。朱夏

遮炎日。冷煖相交都是你。

舊日親朋不甚多。靜裏思量過。榮華固不長。貧賤都彫落。好相知再結交三四夥。

一月招邀一兩席。也喫箇醺醺醉。柴桑處士家。洛社耆英會。歲歲年年稱壽杯。

彎曲律連皮柳木。又搭一座葫蘆架。涼如避暑宮。廣似連雲廈。客來時坐石牀清趣煞。

沽來青州酒一壺。浸入泉深處。勝似蜜林檎。賽過金盤露。不愛涼甜只愛苦。

土酥出畦白似霜。甘脆真堪尚。宜烹玉葉羹。善解梨花釀。自古道菜根滋味長。

水蘿蔔

待不看書又看書。畢竟閑不住。難將紙上言。盡得其中趣。俺不看他誰是主。

待不作詩又作詩。改不了詩言志。閑時口內吟。靜裏
心間事。怕只怕索詩人來到此。

待不撰文又撰文。翰墨吾之分。姻親贈遠行。社友傳
高論。不由人謾尋思睡不穩。

待不唱歌又唱歌。唱的是村田樂。年成減半收。家業
安貧過。樂處尋來愁處躲。

大雨時行日日晴。荒旱天之命。難醫眼前瘡。又抱心
頭病。爲均輸倒加糧二頃。

水旱相仍六七年。自昔誰曾見。田園沒養活。糧草乾
陪墊。窮鄉官近來無俸錢。

老龍王安心忒好閑。不管頻年旱。溪頭水脈乾。井底
泉源斷。要一瓢水下鍋難上難。

去年七月初行雨。今歲歸何處。連宵有暴風。長夏無

甘澍。懶龍眠。到幾時天上取。

過今年向平婚嫁少。五嶽終須到。眼前有子孫。手內無錢鈔。趁閑時不遊山何日了。

出門自然兩脚輕。閑坐三分病。悶時渴睡多。樂地精神勝。總不如訪名山到處行。

黃鶯兒

病起

首二

陋巷少人過。問先生病若何。經旬學得陳搏臥。新麥飯喫多。村薄酒飲多。這些兒醉飽消得過。敵詩魔。從今說破。休要苦吟哦。

抱膝水邊亭。避炎蒸遠市城。悠然物外山林興。此身啊已輕。此心啊更清。多因詩瘦非因病。勸先生。肥從

口味。酒飯一齊行。

汪本末二句作從今強飯高唱踏莎行。南宮詞紀同。

午憩

庭樹影交加。掃蒼苔設小榻。頽然一枕消長夏。待觀書眼花。要題詩手麻。老妻閑說家常話。問莊家麥收幾許。快沽酒賞葵花。

懷所知

牆外轆轤鳴。似鱗鱗車馬聲。高軒恍忽臨荒逕。試披衣起聽。待抽身出迎。多應是佳客乘詩興。憶交情逢時對景。獨自立中庭。

黃羅歌

樹下留客

小隱在山林。客來時坐綠陰。團團芳樹垂清蔭。靜悠悠趣深。冷颼颼氣森。解衣散髮無拘禁。共知音狂歌痛飲。酒到莫停斟。堂高數仞也。索費心。食前方丈也。

索費心。此身之外圖些甚。閑中過樂處尋一枝藜杖。

一牀琴。由人笑。信口吟。佳山佳水遍登臨。

汪本聰聰作蕭蕭未

句遍作便南宮詞紀同

示姪

高枕臥林間。衆賢姪來問安。睡魔卽漸都消散。早來也喜歡。晚來也喜歡。不來必定多縈絆。克家難耕讀。勤幹何必遠來看。各安生理。經書勉強。及時耕耨。種豆滿山。麥秋減却多一半。天猶旱。地正乾。商霖何日遍人寰。田糧重。民力殫。常將辛苦濟時艱。

灌園

流水遶人家。灌田園開小閘。隨灣就曲增堤壩。罷河陽種花。效東陵賣瓜。行人笑俺擡高價。自矜誇。纍纍滿架。五色絢雲霞。充飢當飯。解渴當茶。客來款待臨。

溪坐沙。謾條條共說無憂話。機心盡。樂意洽。漢陰抱
甕舊生涯。秋葵葉。春韭芽。四時佳味度年華。行人上原有路

字南宮詞紀同此從汪本汪本及詞紀無憂話作無生話

觀雨共酌

椿林堂四首

小雨潤如酥。遠霏霏近却無。空濛斜向疎簾度。雲行
太虛。風飄玉除。絲絲點點成甘露。荷沾濡。瀟然無暑。
滿座笑歡呼。梁園詞客高陽酒徒。詩成共賞。飲盡再
沽。千金不賣長門賦。合勤學稼。慣種蔬。一蓑一笠一
張鋤。天心轉。民命蘇。從今不悔作農夫。

多病故人疎。有誰來問索居。蕭條長夏東村路。田園
半蕪。禾苗半枯。老農一望無情緒。命巾車。閑遊城府。
談笑有鴻儒。相逢不飲。高情又孤。何須投轄無勞曳
裾。及時好雨留人住。合前

竹裏有行廚。煑新茶泛翠玉。盃清香嫩剖蓮臺肉。襟懷
不俗。形骸不拘。擎杯對景聯詩句。問通儒從今至古。
不飲豈吾徒。劉伶五斗。阮籍百斛。相如滌器。文君倚
壚。陶淵明種黍逢甘樹。台前

雨過洗平蕪。染南山列畫圖。雲門地鏡添膏沐。荷花
錦鋪。榴英火簇。山翁醉倒在花深處。正歡娛。胡曾懷
古。張翰憶蓴鱸。秋風將至。暑氣漸徂。興來不淺。陶然
一壺。慶豐年共享天之祿。台前

朝元歌

述懷

四首

長歌短歌。盡日逍遙樂。詩魔酒魔。到處盤桓坐。明月
清風。同咱三箇。常把世情參破。萬慮消磨。清閑壘成
安樂窩。奉勸傻哥哥。哥哥休爭少共多。台隨緣且過。權當

做東山高臥。

心不戀三台八座。生來福相薄。勉強待如何。休想豪華。且耽寂寞。防備臨時失錯。難免張羅。會飛騰也將雙翅兒縛。宦海有風波。平生涉歷多。合前

到處裏追歡行樂。山童歌舞着。拍手笑呵呵。帽插岩花。酒斟江糯。慢把風騷酬和。信口開合。新詩小詞積漸多。烏兔走如梭。都將今古磨。合前

也不管花開花落。年年一短蓑。寒暑飽經過。順水推船。隨風倒舵。雲影天光攤破。碾碎銀河。烟村幾家。趁碧波。喜聽採蓮歌。山花賽綺羅。合前
作依碧波。汪本趁碧波。同。

玉江引

閱世

汪本作恬退。四首

我戀青春。青春不戀我。我怕蒼髯。蒼髯沒處躲。富貴待如何。風流猶自可。有酒當喝。逢花插一朶。有曲當歌。知音合一夥。家私雖然不甚多。權且糊塗過。平安路上行。穩便場中坐。再不惹名韁。和利鎖。

一品高官。朝中待漏寒。萬里兵權。將軍夜過關。名利不如閑。奔忙爭似懶。誰會鑽天。休嫌胳膊短。誰好綿纏。休嫌膝蓋軟。世路如同天。樣遠就裏多坑塹。曾

將古人評。再把今人勘。一樁樁上心來重點檢。

汪本此首

屬下
題中

論地談天。逢人說一篇。希聖希賢。空聽口內言。心迹總茫然。經綸方大展。妙旨通玄。教人打啞禪。外貌清廉。生來只愛錢。好一似鷺鷥兒。毛色鮮。素質無瑕玷。包藏吞噬心。兩脚忙如箭。零碎魚兒。嚙兒裏攪。

世路悠悠誰知短共修。歲月如流。忽然春復秋。肥遯
且藏頭。功名且罷手。浪迹遨遊。撐開范蠡舟。擺脫閑
愁。休登王粲樓。生涯只須詩共酒。莫自嫌卑陋。鶯
花又換新。山水還依舊。這其間。要追歡隨處有。

紀笑

汪本作悼
世四首

學問才華。看如大海沙。利口伶牙。聽如井底蛙。財旺
主通達。粧窮都是傻。空自嗟呀。安排不到家。枉受波
吒。休嗔我笑他。我笑他。恰便似臨崖馬。不早收韁
罷。回又不敢回。下又不敢下。脚躡着賺人坑。不是耍。
百口分跋。難參尖嘴佛。百計騰挪。難逃毒害哥。成敗
是蕭何。英雄無結果。一折一磨。誰知死共活。一仰一
合。休嗔我笑他。我笑他。恰便似撲燈蛾。自取焚身
禍。雙眉化作煙。兩翅燒成末。眼睜睜飛將來。不見火。

有眼無睛。何曾識好人。側耳聽聲。強將假當真。舉世
見錢親。窮胎爲禍本。滿口胡云。休言清慎勤。一味貪
嗔。休嗔我笑君。我笑君貪財不顧身。晝夜無窮盡。
更不辨蒼白。何處尋公論。把英雄折倒的。沿地滾。
立定根基。出門多路岐。說甚相知。從來知我希。人面
逐高低。迂儒不度己。今是昨非。誰能早見機。秉性難
移。休嗔我笑伊。我笑伊一文錢纏到底。算甚麼名
和利。堪嗟枉費心。可惜乾淘氣。總不如望雲山歸故
里。

醉太平

遂閑

首二

誰說俺不平。俺原無宦情。秋收田地到春耕。從來是
本等。懶驢愁治不了。傳槽病。餵猫食救不的。殘生命。